



Javno preduzeće _____
ELEKTROPRIVREDA BOSNE I HERCEGOVINE
_____ d.d. - Sarajevo

Vodič
o pristupu informacijama u posjedu Javnog preduzeća
Elektroprivreda Bosne i Hercegovine d.d. - Sarajevo

Na osnovu člana 20. tačka 1) Zakona o slobodi pristupa informacijama u Federaciji Bosne i Hercegovine ("Službene novine FBiH", broj: 32/01), člana 69. stav 1. tačka 3., i člana 119. stav 2. Statuta Javnog preduzeća Elektroprivreda Bosne i Hercegovine d.d. - Sarajevo, člana 2. stav 3. Odluke o slobodi pristupa informacijama u Javnom preduzeću Elektroprivreda Bosne i Hercegovine d.d. - Sarajevo, Uprava Javnog preduzeća Elektroprivreda Bosne i Hercegovine d.d. - Sarajevo na 28. sjednici, održanoj dana 01.04.2008. godine d o n o s i

VODIČ O PRISTUPU INFORMACIJAMA U POSJEDU JAVNOG PREDUZEĆA ELEKTROPRIVREDA BOSNE I HERCEGOVINE d.d.- SARAJEVO

1. Uvodne napomene

Vodič je sačinjen u cilju da se svakom fizičkom i pravnom licu pomogne da u Javnom preduzeću Elektroprivreda BiH d.d.- Sarajevo(u daljem tekstu Elektroprivreda BiH)ostvari svoja prava u skladu sa Zakonom o slobodi pristupa informacijama u Federaciji BiH («Službene novine Federacije BiH», broj: 32/01 (udaljem tekstu Zakon).

Pored pristupa informacijama na pismeni zahtjev, fizička i pravna lica se o Elektroprivredi BiH mogu informisati neposredno, u službama za odnose s javnošću i informisanje kupaca električne energije, koje su raspoložive za pružanje usmenih informacija posredstvom otvorenih telefonskih brojeva, te na web stranici:www.elektroprivreda.ba.

Svako pravno i fizičko lice ima pravo pristupa informacijama, koje su u posjedu Elektroprivrede BiH.Elektroprivreda BiH će saopštiti informacije koje posjeduje u skladu sa odredbama Zakona, odnosno, ustanovljenim postupkom.

Vodič sa «Indeks registrom», u kojem su informacije koje posjeduje Elektroprivreda BiH, je besplatan i dostupan na protokolu Direkcije Elektroprivrede BiH u Sarajevu, na protokolima podružnica, te kod Službenika za informisanje.

Ovlašteni Službenik za informisanje u smislu Zakona za Elektroprivredu BiH je Rukovodilac Službe za odnose s javnošću Fahro Memić.

Adresa: Vilsonovo šetalište 15

Tel: 033/751-052

Fax: 033/751-012

2. Utvrđivanje izuzetaka

Elektroprivreda BiH će utvrditi izuzetom od saopštavanja onu informaciju, koja je u suprotnosti sa interesima i okolnostima propisanim u Zakonu, nakon svestrane ocjene svakog pojedinog slučaja, a naročito:

-ako utvrdi izuzetak u smislu članova 6.,7. i 8. Zakona za cijelu ili dio informacije;
-ako utvrdi, nakon obavljenog ispitivanja javnog interesa u smislu člana 9. Zakona, da saopštavanje nije u javnom interesu.

2.1. Elektroprivreda BiH će dostaviti informacije ukoliko iste posjeduje u obliku u kojem su tražene.

3. Ispitivanje javnog interesa

Elektroprivreda BiH će, rješavajući svaki pojedini zahtjev, obavezno provesti ispitivanje javnog interesa u skladu sa članom 9. Zakona i uzeti u obzir svaku korist i štetu, koje mogu proisteći iz saopštavanja informacije.

4. Postupak pristupa informacijama

4.1. Prijem zahtjeva

- Zahtjev se u pismenoj formi podnosi Elektroprivredi BiH na jednom od službenih jezika u upotrebi u Federaciji BiH.
- Zahtjev mora imati dovoljno podataka o obliku, odnosno prirodi i sadržaju informacije, kako bi se omogućilo da davalac informacije, uz razuman napor, pronade i stavi na uvid traženu informaciju.
- Zahtjev za davanje informacije mora biti potpisan od podnosioca zahtjeva, sa tačnom adresom prebivališta, odnosno boravišta, po mogućnosti i s brojem telefona na koji se može kontaktirati.
- Zahtjev se predaje preko protokola u sjedištu Elektroprivrede BiH u Sarajevu, Vilsonovo šetalište 15 ili u podružnicama, i to:

- za HE na Neretvi u Jablanici, Jaroslava Černija br.1
- za TE «Kakanj» u Kaknju
- za TE «Tuzla» u Tuzli, 21. Aprila br.4
- za ED «Bihać» u Bihaću, Bosanska 25
- za ED «Mostar» u Mostaru, Adema Buće 34
- za ED «Sarajevo» u Sarajevu, Zmaja od Bosne 49
- za ED «Tuzla» u Tuzli, Rudarska 38
- za ED «Zenica» u Zenici, Safvet-bega Bašagića 6

4.2. Pristup informacijama lične prirode

- Zahtjev koji se odnosi na ličnu informaciju podnosioca zahtjeva, pored prethodno navedenih podataka i uslova, može podnijeti samo fizičko lice na koje se zahtjev odnosi, odnosno njegov zakonski zastupnik ili lice koje je podnosilac zahtjeva pismeno ovlastio za pristup informaciji.
- Ako zahtjev podnese fizičko lice na koje se zahtjev odnosi, to je lice dužno da potpiše zahtjev i pokaže ličnu ispravu sa fotografijom.
- Ako zahtjev podnese zakonski zastupnik podnosioca zahtjeva ili osoba, koju je podnosilac zahtjeva pismeno ovlastio za pristup informaciji, ta osoba je dužna potpisati zahtjev i pokazati propisani lični dokument s fotografijom, dokaz o zakonskom zastupanju, odnosno punomoć, kao i kopiju ličnog dokumenta podnosioca zahtjeva.

4.3. Nemogućnost postupanja u skladu sa zahtjevom iz formalnih razloga

-Ako Elektroprivreda BiH nije u mogućnosti da udovolji zahtjevu, zbog nepostojanja formalnih uslova propisanih u članu 11.stav 2.i 3. Zakona, u takvom će slučaju, najkasnije u

roku od 8 dana od dana prijema zahtjeva, rješenjem obavijestiti podnosioca zahtjeva, da isti ne može biti obrađen iz formalnih razloga.

-Protiv rješenja, iz prethodne tačke, može se izjaviti žalba organu nadležnom za njeno razmatranje.

-Ukoliko podnosilac zahtjeva podnese novi(preinačeni) zahtjev, isti će se smatrati novim zahtjevom.

4.4. Postupanje nakon prijema zahtjeva

Nakon što je zahtjev razmotren u Elektroprivredi BiH i odobren pristup informaciji, u cjelosti ili djelimično, bit će doneseno rješenje i isto dostavljeno podnosiocu zahtjeva.

Navedeno rješenje sadrži:

- obavijest o mogućnosti ličnog pristupa informaciji u prostorijama Elektroprivrede BiH, ili
- obavijest o mogućnosti umnožavanja informacije i o troškovima umnožavanja informacije, s tim da se informacija omogućava nakon izvršene uplate, ili
- prilog kopije tražene informacije, kada se ista ustupa besplatno.

Ako Elektroprivreda BiH odbije pristup informaciji u cjelosti ili djelimično, donijet će rješenje kojim će obavijestiti podnosioca zahtjeva.

Navedeno rješenje sadrži:

- zakonski osnov za izuzeće tražene informacije;
- pouku o pravu na žalbu uz troškove, kao i uputu o pravu na obraćanje Instituciji Ombudsmena.

Rješenje se dostavlja što je prije moguće, a najkasnije u roku od 15 dana od dana prijema zahtjeva.

4.5. Troškovi umnožavanja

Podnosiocu zahtjeva se informacija stavlja na raspolaganje besplatno u obimu do 10 strana. Za svaku narednu stranicu neophodno je platiti naknadu od 0,50 KM po jednoj stranici, o čemu će Elektroprivreda BiH izdati posebnu fakturu.

5. Indeks registar i obrazac Zahtjeva za pristup informacijama su u prilogu ovog akta i čine njegov sastavni dio.

Za Upravu
v.d.Generalni direktor
Amer Jerlagić

Broj: U-01-6244/08.-28./ 7.b.

Dana 01.04.2008. g.

OBRAZAC ZAHTJEVA ZA PRISTUP INFORMACIJAMA

Ime i prezime - firma podnosioca zahtjeva

Adresa, sjedište i telefon podnosioca zahtjeva

Javno preduzeće Elektroprivreda Bosne i Hercegovine d.d. - Sarajevo
Sarajevo, Vilsonovo šetalište 15,
ili Podružnica

Predmet: Zahtjev za pristup informacijama

U skladu sa Zakonom o slobodi pristupa informacijama, tražim da mi se odobri pristup informacijama iz nadležnosti Javnog preduzeća Elektroprivreda Bosne i Hercegovine d.d. – Sarajevo i to:

(Navesti informacije koje se traže sa što više pojedinosti)

Molim da mi odgovor dostavite u skladu sa Zakonom.

PODNOŠILAC ZAHTJEVA

(Svojeručni potpis)

INDEKS REGISTAR

Uvodne napomene

U Indeks registru su informacije u posjedu Javnog preduzeća Elektroprivreda BiH d.d.- Sarajevo(u daljem tekstu Elektroprivreda BiH).Pristup informacijama u smislu Zakona o slobodi pristupa informacijama(«Službene novine Federacije BiH «broj:32/01- u daljem tekstu Zakon) opisan je u «Vodiču o pristupu informacijama u posjedu Javnog preduzeća Elektroprivreda Bosne i Hercegovine d.d. - Sarajevo».

Djelatnost Elektroprivrede BiH je proizvodnja, distribucija i snabdijevanje električnom energijom.Elektroprivreda BiH predstavlja jedinstven pravni subjekt, a po organizacionoj strukturi je složen sistem, organizovan na funkcionalnom, procesno - radnom i teritorijalnom principu.Sastoji od proizvodnih i distributivnih jedinica.

Proizvodni dijelovi Elektroprivreda BiH:

- Hidroelektrane na Neretvi, Jablanica
- Termoelektrana “ Kakanj”, Kakanj
- Termoelektrana “ Tuzla” Tuzla

Distributivni dijelovi Elektroprivrede BiH:

- “ Elektrodistribucija “ Bihać
- “ Elektrodistribucija” Mostar
- “ Elektrodistribucija” Sarajevo
- “ Elektrodistribucija” Tuzla
- “ Elektrodistribucija” Zenica

Vrste informacija i podataka u posjedu Elektroprivrede BiH :

- o organizacionoj strukturi kompanije,
- funkcionisanju elektroenergetskog sistema,
- proizvodnji, potrošnji i prodaji električne energije,
- raspoloživim kapacitetima kompanije - proizvodnim i distributivnim,
- energetske pokazateljima,
- finansijskim rezultatima poslovanja-bilans stanja, bilans uspjeha,
- posebni statistički podaci (prosječne plaće zaposlenih po kvalifikacionoj strukturi i organizacionim dijelovima),

- broju kupaca i pitanjima koja se tiču usluge kupcima, isporuci električne energije i načinu regulisanja međusobnih obaveza isporučioaca i kupaca,
- investicijama, potraživanjima i obavezama,
- informacije iz oblasti okolinskog upravljanja,
- podaci koji se tiču pravne regulative kojom zakonodavac uređuje oblast elektroenergetike,
- normativnim aktima koji uređuju odnose u organizaciji,
- podaci o broju zaposlenih, na nivou preduzeća i po organizacionim dijelovima, kvalifikacionoj, obrazovnoj i polnoj strukturi zaposlenih,
- ostvarenju planova, razvoju preduzeća, poslovnim aktivnostima,
- podaci o informativnim centrima elektrodistributivnih dijelova Elektroprivrede BiH (brojevi telefona, radno vrijeme i odredišta za prijem reklamacija kupaca električne energije u pisanoj formi)
- adresar i brojevi telefona elektrodistributivnih dijelova i radno vrijeme šaltera za plaćanje računa za utrošenu električnu energiju, šaltera za reklamacije kupaca električne energije i šaltera za podnošenje zahtijeva za izdavanje saglasnosti,
- informacije o uslovima za priključenje na elektroenergetski sistem i izdavanju potrebnih saglasnosti,
- informacije o preuzimanju električne energije,
- informacije sa računa kupaca električne energije (preuzeta električna energija, stanje na računu i uplate),
- informacije iz oblasti Opštih uslova za isporuku električne energije,
- informacije iz oblasti Tarifnog sistema-o tarifnim stavovima i prosječnim cijenama električne energije,
- informacije koje se odnose na planove izgradnje, rekonstrukcije i sanacije elektroenergetskih objekata.